

玉

海

四十二

玉海卷第八十五

浚儀王應麟伯厚甫

器用

符節

顏師古曰符謂合符以爲契節以毛爲之上下相重取象竹節因以爲名將命者持之以爲信

黃帝合符釜山

史記帝修德振兵未嘗寧居東至于海登凡山及岱宗西至于空桐登雞頭南至于江登熊湘北逐葷粥合符釜山而邑于涿鹿之阿正義合符謂合諸侯符

瑞於釜山封禪也猶禹會會稽玉帛萬國括地志釜山在媯州懷戎縣北三里上有舜廟郭子橫洞冥記稱東方朔云東海大明之墟有釜山山出慶雲應王者之符命黃帝有黃雲之瑞故合符應於釜山也索隱合諸侯符契圭瑞而朝之於釜山猶禹會諸侯於塗山也 漢志公玉帶曰黃帝封東泰山禪凡山合符 河圖玄女山兵符與黃帝戰蚩尤 抱朴子黃帝陟王屋而受丹經到鼎湖而飛流珠登崆峒而問廣成之具茨而事大隗適東岱而奉中黃入金谷而諮子心論導養而質玄素二女精推步則訪山稽力

收講占候則詢風后著體診則受雷岐審攻戰則納
五音之策窮神姦則記白澤之辭相地理則書青鳥
之說救傷殘則綴金冶之術

周六節 邦節 玉節 角節 金節

符節 璽節 旌節 路節 節傳

管節

禮地官大司徒若國有政令無節者不行於天下注

節六節

見下文

掌節

上士二人中士四人

掌守邦節而辨其用

以輔王命

注邦節者珍圭牙璋穀圭琬圭玨圭

守邦國用玉節守都

鄙用角節

注玉節之制以玉為用犀角其制未聞

鄭立曰玉節有五見

下公羊傳云與凡邦國之使節山國用虎節土國

人節澤國龍節皆金也以英蕩輔之注今漢有銅虎符英蕩畫函

門闕用符節注如今宮中貨賄用璽節注今之印章

通貨賄以璽節注出入之司關掌國貨之節注道路

璽節也懷方氏致方貢致遠物達之以節注道路

用旌節注使者所擁節是也鄉大夫以旌節輔令

夫凡其使也必以旌節環人掌送逆賓客以路節

達諸四方注路節旌節也環人掌送逆賓客以路節

于他則為之旌節而行之若無節則唯圜土內之

司救以節巡國中注旌節也若無節則唯圜土內之

使者符節乃行疏道路旌節也乃符行司險若有故

則塞閉路唯有節者達之國語周之秩官日行理

以節皆有期以反節注凡節有法凡通達於天下者

必有節以傳輔之司關凡所達貨賄者以節傳出之

易氏曰節所以輔王命傳所以輔邦節先王之時無天下為公雖有節傳以示信而信行於節傳之外無

節者有幾則不達

注園土內之

秋官小行人達天下之

六節山國用虎節土國人節澤國龍節皆以金為之

道路旌節門關符節都鄙管節皆以竹為之

注此邦國之節

諸侯使臣行類聘以金節授之為行道之信管節如今之竹使符凡節有天子法式存於國正義掌節所云畿內也虎人龍三者諸侯使臣所執旌符管在國所用小行人達諸侯國亦如大行人達瑞節畿內貨賄用璽門關用符畿外同用野廬氏掌達道路凡符節國國皆有瑞節法式

有節者至則為之辟修閭氏唯執節者不幾掌

交掌以節巡邦國康誥越小臣諸節注小臣諸有

符節之吏

周瑞節

地官調人凡和難弗辟則與之瑞節而以執之注瑞節玉節之剡圭也和之而不肯辟者不從王命也王以剡圭使調人執之春官典瑞注珍圭牙璋穀圭琬圭琰圭王使之瑞節鄭立曰王節有五珍圭王使之瑞節王使人召諸侯則授之執以往致王命如今使者持節凡瑞節歸又執以反命正義人節虎節是諸侯使人之瑞節此珍圭等是王使之瑞節也秋官大行人王之所以撫邦國諸侯者十有一歲達瑞節同度量冬官玉人注琬圭王使之瑞節也琰圭諸侯有

為不義使者征之執以為瑞節王用玉節左傳文

十二年秦西乞術來聘曰不腆先君之敝器致諸執

事以為瑞節要結好命周語內史過曰為車服旗

章以旌之摯幣瑞節以鎮之班爵貴賤以列之令聞

嘉譽以聲之儀禮聘禮所以朝天子圭與纁皆九

寸刻上寸半厚半寸博三寸纁三采六等朱白倉注

所執以為瑞節也刻上象天圓地方也雜采曰纁以

韋衣木板飾以三色再就所以為玉重謹也九寸上

公之問諸侯朱纁纁八寸皆互纁繫長尺絢組繫以

圭也者以玉為之所以明信輔於君命者也禮記玉藻凡君召以三節疏節

太公陰符 周書陰符

後漢方術傳鈴次之符注兵法有玉鈴篇及立女六韜要訣曰太公對武王曰主將有陰符八等有大勝得敵之符長一尺破軍禽將之符長九寸降城得邑之符長八寸卻敵執遠之符長七寸交兵一作警眾堅守之符長六寸請糧益兵之符長五寸敗軍亡將之符長四寸失利亡士之符長三寸見六韜龍韜陰符篇又有陰書

隋志兵書類太公陰符鈴錄一卷周書

陰符九卷

唐志同

史記蘇秦讀周書陰符以出揣

摩 戰國策蘇秦得太公陰符之謀 鬼谷子陰符

七術注本太公兵法 通典周書陰符太公曰步車
騎三軍同名異用 張衡思立賦李善注引周書陰
符 後漢百官志注引太公陰符曰爲君守成爲吏
守職爲民守事 文選注引太公陰符曰并我勇力
重堅壁壘周書陰符太公曰好用小善不得眞賢
初學記引周書陰符治國有三常

魯龍輔

左傳昭二十九年公賜公衍羔裘使獻龍輔名玉於齊
侯齊侯喜與之陽穀名邑正義周禮澤國用龍節皆金
也以英蕩輔之杜子春云以函器盛此節謂鑄金爲

龍以玉爲函輔盛龍節謂之龍輔此獻函不獻節故直云獻龍輔元卿云盛龍節之玉函案說文龍禱旱玉也爲龍文又玉人云上公用龍今輔與龍連文故云龍輔玉名

魏虎符 兵符

史記魏公子無忌傳安釐王二十年秦昭王破趙長平軍進兵圍邯鄲趙請救於魏王使將軍晉鄙將十萬眾救趙復使人止晉鄙留軍壁鄴名爲救趙實持兩端公子患之數請魏王畏秦終不聽公子因問侯生曰嬴聞晉鄙之兵符常在王卧内而如姬最幸出

入王卧内力能竊之公子請如姬必許諾則得虎符
奪晉鄙軍北救趙而西卻秦此五霸之伐也公子從
其計請如姬果盜晉鄙兵符與公子 後漢書杜詩
傳魏公子假兵符以解趙圍

漢功臣符 丹書鐵契

高紀六年十二月甲申始剖符封功臣曹參等爲通

侯

師古曰剖破也
合符而分授之

又與功臣剖符作誓丹書鐵契金

匱石室藏之宗廟

如淳曰金匱猶金滕也師古曰
以金爲匱以石爲室重緘封之

南粵王傳漢十一年立尉佗爲南粵王與剖符通使

說文符漢制以竹長大寸分而相合 周禮司約

王 海 卷 八 十 五
小約劑書於丹圖注今俗語有鐵券丹書舊典之遺
言

漢節

紀高后八年八月襄平侯紀通尙符節令持節矯內
勃北軍朱虛侯章欲奪節謁者不肯 文帝宋昌曰
太尉以一節入北軍一呼士皆袒左爲劉氏 武帝
征和二年七月更節加黃旄 昭帝始元元年閏月
遣王平等五人持節行郡國 宣帝本始元年正月
遣使者持節詔郡國二千石謹牧養民而風德化
列傳爰盜解節旄懷之 張騫持漢節不失白騫開

外國道以尊貴

云云

其吏卒亦輒復盛推外國所有

言大者予節言小者爲副司馬相如建節往使

嚴助以節發兵會稽蘇武杖漢節節旄盡落汲

黯以便宜持節發河內倉粟眭弘武帝時爲符節

令淮南王安作漢使節法冠任安盧賀坐受僞

節誅江都王建僞作漢使節二十劉屈氂初漢

節純赤以太子持赤節故更爲黃旄加上以相別

霍光與羣臣奏昌邑王變易節上黃旄以赤咸宣

自殺而杜周任用時盜賊滋起上使光祿大夫范昆

諸部都尉及故九卿張德等衣繡衣持節發兵以興

擊 諸葛豐司隸去節自豐始 谷吉上書建彊漢
之節承明聖之詔 光武紀持節北度河注節所以
爲信也以竹爲之柄長八尺以旄牛尾爲其旄三重
後傳馮衍與田邑書曰今以一節之任建三軍之
威豈特寵其八尺之竹犂牛之尾哉 鄭眾永平八
年顯宗遣眾持節使匈奴虜欲拜眾不爲屈上疏曰
臣誠不忍持大漢節對氍毹拜 孔融議秉髦節之
使銜命直指 蔡衍拜符節令 續百官志符節令
一人凡遣使掌授節王國大夫本皆持節後去節護
羌校尉注應劭漢官曰擁節 魏氏春秋中平六年

始復節上赤葆 周禮旌節注今使者所擁節是也

禮記玉藻凡君召以三節二節以走一節以趨注
今漢使擁節疏擁持也漢時使人召臣持節召之庾
氏云君召臣急則以二節緩則以一節 釋名節毛

上下相重取象竹節 唐六典漢唯旌節餘皆號符

隋天文志畢南八星曰天節使臣所持也 天文

集要天節星主奉使小而明則使中正 周有掌節
之職漢有符節之令復漢符節令位次御史中丞別
爲一臺令一人爲臺率屬少府畦孟張敬蔡衍爲之
史記趙高兼行符璽令事 晉志秦符璽令漢因之

王 海 卷 八 十 五
位次御史中丞 趙堯傳爲符璽御史 霍光傳召

尚符璽郎 典瑞注若今尚符璽郎

漢銅虎符 竹使符

文紀二年九月初與郡守

史記云初與郡國守相

爲銅虎符竹

使符注應劭曰銅虎符第一至第五國家當發兵遣

使者至郡合符符合乃聽受之竹使符皆以竹箭五

枚長五寸鐫刻篆書第一至第五張晏曰符以代古

之圭璋從簡易也師古曰與郡守爲符者各分其半

右留京師左以與之

文選注漢舊儀曰郡國銅虎符三竹使符五

侯不得自守兵魏勃曰非有漢虎符驗則文帝以前蓋有虎符矣此謂初作者豈非用銅於此始乎